

國

子

監

志

國子監志卷八十一

志餘

臣等伏惟成均習禮之區。多士以稱先則古者也。一事之逸。一談之美。實事求是者有取焉。而不可以州部分也。太史采書。軼見於他說。班固述志。有雜家者流。本其意。謹誌紀事。綴聞為志。餘而以引用書目附焉。

志餘一

紀事

諸生肄業太學恭遇

聖駕臨雍得以瞻覲

天顏其他皆不與惟乾隆甲子

駕幸貢院諸生與禮部會試舉人在貢院轍門跪迎
聖駕各蒙

賜六經一部又乾隆辛未辛巳辛卯三逢

孝聖憲皇后萬壽諸臣於西直門至西安門祇候

高宗純皇帝奉

安輿由

圓明園還宮。諸臣各按分定處所。跪迎國子監祭酒司業。并合屬官員。於西直門通衢之西。率領諸生。具公服跪於道左。辛巳適琉球官生在監肄業。情殷瞻仰。呈請代奏。荷蒙

俞允亦得與焉。

凡

國家有大典禮。六館諸生沐浴膏澤。往往作為詩歌頌美太平。監臣為之裒潢成冊。進呈

御覽。乾隆年疊遇

孝聖憲皇后慈壽

高宗純皇帝萬壽暨

文廟落成

肇建辟雍

講學禮成嘉慶年

仁宗睿皇帝臨雍講學。黌序歡騰。士林歌詠。洵稱太平。

盛事

凡遇

臨雍禮成。監臣及諸生渥荷。

賞賚當即具表謝

恩衍聖公謝表例由臣監撰擬乾隆三十四年

文廟工成祭酒司業率滿漢屬員八旗教習內外班肄業諸生官學生等赴

國明園宮門具摺謝

恩又乾隆元年十七年二十六年三十五年四十四年五十四年五十九年六十年嘉慶五年十三年二十三年道光元年十一年

特旨開科國子監祭酒司業率領諸生及監丞等官之

與會試者恭赴

天安門謝

恩

凡遇

講學禮成祭酒先領官生赴成賢街祇候送
駕乾隆五十年

高宗純皇帝臨雍講學畢

垂問進講官一律

賜茶維時祭酒已遵奏定儀注先赴成賢街送

駕不與。

特命議處部臣嗣後進講祭酒得與

賜茶禮

凡修

文廟先期

遣官告祭敬移

神牌國子監派員率教習肄業諸生官學生恭謹手

捧不假手吏役以昭誠敬乾隆三十二年重修

文廟

遣大學士尹繼善告祭本監派助教博士等十六員以
八員手奉

至聖先師牌於彝倫堂正中安置再備八員更代四
配每位各用教習貢生四人十二哲每位各用
肄業諸生四人手奉安置彝倫堂左右如

文廟正殿位次兩廡每位各用官學生二人手奉於
率性修道兩堂安置悉如東西廡位次

崇聖祠五王祇請

御書樓安置

正殿每位用官四員。配哲廡每位各用肄業諸生二人。悉如

崇聖祠位次。三十三年

文廟工成。祇請

還位如前儀。

謹案康熙四十二年。修

文廟。

先師神位移奉順天府學。五十二年。修

文廟。

先師神位移奉敬一亭中并誌

凡春秋二丁分胙

遣官應分猪首連肩牛首羊腿羊尾鹿脯和羹饌盤
飲福受胙牛塊煮羹牛猪一羊一豚拍如一

遣親王則應分金牛一分獻翰林官二員猪蹄各一
羊腿各一監祭監宰監禮御史共六員各猪胙
二斤羊胙一斤禮部監宰官猪胙二斤羊胙二
斤宗人府猪一內閣猪二羊一吏部猪一羊半
戶部猪胙十二斤羊胙五斤禮部猪胙十二斤

羊胙五斤。兵部猪胙六斤。羊胙五斤。刑部猪胙
十二斤。羊胙五斤。工部猪胙六斤。羊胙五斤。理
藩院猪胙六斤。都察院猪胙十五斤。羊胙十斤。
六科猪胙各五斤。通政司猪胙三斤。羊胙二斤。
大理寺猪胙三斤。羊胙二斤。太常寺猪一。羊一。
起居注猪胙三斤。羊胙二斤。翰林院猪胙十八
斤。詹事府猪胙三斤。羊胙二斤。光祿寺猪胙五
斤。羊胙四斤。太僕寺猪蹄二個。羊胙二斤。順天
府猪胙二斤。羊胙二斤。鴻臚寺猪胙六斤。欽天

監猪胙二斤。太醫院猪胙二斤。鑾儀衛猪胙六斤。羊胙三斤。本監堂屬官員教習肄業諸生執事各生。并吏役兵丁人等。統俟各處分訖。按等次酌量勻分。皆典簿廳掌之。即於是日禮畢後。具文派役分送。不得遲至次日。以褻

神惠

貢監生公服冠頂。鏤花金座。上銜金雀。公服袍青綢為之。藍緣。披領如袍飾。俱與舉人同。貢生吉服冠頂。金座上銜花金。監生吉服冠頂。用素

銀。

謹案乾隆三十一年。

皇朝禮器圖式貢生例用錢花金頂銀托道光八年。

禮部議准照八品官例用陰文錢花金頂毋庸

更用銀托以示區別。

學正學錄秩正八品嘉慶五年

特諭進士舉人例應截取選用知縣其頂帶本係七品

准其戴用素金頂以符出身。

凡

臨雍聽講守部進士舉人迎

駕穿朝服觀禮更采服仍穿采服送

駕各學副管教長教習候補教習舉人并有職之各

氏後裔貢監生穿補服無職之各氏後裔及貢

監生穿藍鍊青衫披領金雀高頂在監肄業之

廩生照所得品級補服穿戴官學生宗學照

賞給頂帶世職照所襲品級穿補服貢監穿藍鍊青

衫披領金雀高頂生員童生穿青鍊藍衫披領

銀雀高頂

翰詹科道衙門堂屬官員俱於堂上設座各部
則無之惟臣監祭酒正坐司業僉坐監丞助教
等官旁坐如係兩廂講課六堂諸生皆坐而聽
講

凡六堂諸生遇封印開印兩廂官到任及充補
教習謁堂行四起四拜禮其餘上堂只三揖雖
有稟請不下跪

國子監祭酒司業各就翰林院衙門前後輩相
稱呼其與大學士尚書侍郎各照京堂之例具

帖。監丞以下等官。與祭酒司業。俱用官銜帖。

祭酒

用呈字上銜司業用正字下銜與大學士尚書吏禮二部侍郎

用官銜帖。與四部侍郎及四品各京堂用晚生

帖。五品京堂用侍生帖。

謹案。

本朝禁稱座師門生。惟國子監祭酒司業。則刺謁

直書門生。餘用光名。

詞林典故。載京官稱前後輩者。翰詹而外。內閣

吏部禮部都察院國子監有之。今國子監惟六

堂稱前後輩。

王士禎池北偶談云祭酒四品與講讀學士較俸陞遷朝班則坐學士下兩坊庶子上康熙二十年正月。

賜宴乾清宮坐次在東面西與朝班同二十年七月。

賜宴瀛臺在南面北則序坐於太常卿僉都御史裁今之

下太僕卿光祿卿之上。

凡

恩賜書籍或合監數部或每堂數部或每旗學數部。

俱交各所司收貯聽生徒取閱惟乾隆八年

高宗純皇帝恭謁

三陵

御製

盛京賦刊刻成卷

賜國子監肄業諸生人各一部則出自

特恩焉

國朝崇尚文治優待官生其由經學保舉給司業

銜者為陳祖范顧棟高顧旋以

南巡接

駕○賞祭酒銜○助教授司業者○為曹洛禋○學正授司業者○
為王延年○訓導年至百歲○給司業銜在籍食俸
者○為王世芳○訓導纂修四庫全書○給助教銜食
單俸者○為張義年○壽至百歲○給學正銜者○為詹
星斗○貢生手書十三經○給學正銜者○為蔣振生
原名衛校刊石經收掌○授學正者○為蔣和○其自乾
隆十七年壬申○

孝聖憲皇后萬壽恩科會試給年老士子張簡等十人

學正衛後沿為定例。歷科姓名詳載會典。至以
監丞改庶吉士者。為王崇簡。杜芳。周爰訪。張丕
吉。魏天賞。喬庭桂。岳映斗。官學生授編修者。為
王繼文。靳輔。劉兆麒。張長庚。既幸遭際之隆。彌
見

盛世收材之廣

太學鐘鼓之名。由來舊矣。國子監有鐘一鼓一。
鼓房在東廳之南。鐘房在西廳之南。乾隆三十
年重修。

文廟移庫。又得銅鐘一。銘文皆道家語。非太學所用之物。移交內務府存貯。

彝倫堂月臺東南立日晷一座。考明代

文廟國子監創建記已載有此。今八旗官學亦各立之。蓋講學問業考課俱有一定時候。憑此以知早暮焉。

乾隆甲午科助教吳省蘭。學正徐立綱。汪如藻。以舉人未與考差。得充內簾同考官。次年乙未科徐汪皆提進士入詞館。吳以戊戌科

賜一體殿試亦與館選

彝倫堂露臺下槐柏林立乾隆四十八年

肇建辟雍。辦理工程處奏准。基內應去大小樹五十一

株。材堪取料者。用畀工師。其餘青枝嫩葉者。移

植太學門外。左右柏樹各七株。

雍和宮小柏九株。小槐十三株。

凡遇

視學之日

釋奠禮畢。

聖駕出大成門入大次更衣禮部奏請講學。

聖駕出大次至門外乘輿由國子監中門入御彝倫堂行

講學禮。乾隆五十年

高宗純皇帝肇建辟雍

臨雍講學。先期准辦理

辟雍工程處知照開

大成殿西掖中間為穿堂。旁啟後牆門及繩愆廳

後牆門

釋奠禮畢

聖駕由此

詣彝倫堂東次間

暖閣間內恭設

寶座更衣用膳

附

元

京都未有

孔子廟而國學寓他署丞相順德忠獻王哈喇哈斯
喟然曰首善之地風化攸出不可怠乃奏營廟
學嘗躬為臨視既成朝野瞻聳選名儒為學官
奏遣近臣子弟入學而四方來學者益衆

元名臣事

略

至元八年許衡授集賢大學士國子祭酒即南
城之舊樞密院設學奏召舊弟子散居四方者
王穉韓思永蘇郁耶律有尚孫安高凝姚燧及
其弟燧劉季偉呂端善劉安中白棟皆驛致館

下為伴讀

國學
事蹟

大德六年。尚野遷國子助教。升博士。誨人先經學。而後文藝。每謂諸生曰。學未有得。徒事華藻。若持錢買水。所取有限。能自鑿井及泉而汲之。不可勝用矣。時學舍未建。野密請御史臺。乞出帑藏所積。大建學舍。以廣教育。至大元年。除國子司業。近臣奏。分國學西序為大都路學。帝已可其奏。野謂國學府學混居不合禮制。事遂寢。

元史
本傳

至正元年。大興國子監。蒙古回回漢人三監生
員凡千餘。然祭酒司業博士。多非其人。惟粉飾
章句。補苴時務。以應故事而已。諸生日啖籠炊
粉羹。一人之食。為鈔五兩。君子以監學為作養
人材之地。而千百為羣。恣縱恬嬉。以嫚侮嘲謔
為賢行。加屏風以障市人。入茶酒肆。不償值。掉
臂而出。是壞天下人材。何作養之有。庚申外史

仁宗即位。國學將釋奠。遣李邦凝致祭於
文宣王。點視畢。至位立。殿戶方開。忽大風起。殿上及

兩廡燭盡滅。燭臺底鐵罇入地尺無不拔者。邦凝悚息伏地。諸執事者皆伏。良久風定。乃成禮。邦凝因慙悔累日。

元史

明

洪武初。太祖親定士子巾服。生員襴衫。貢舉入監者。不變所服。後許戴遮陽帽。而監生衣藍色。洪熙中。帝問衣藍者何人。左右以監生對。帝曰。著青衣較好。乃易青圓領。嘉靖二十二年。禮部言士子冠服詭異。有凌雲等巾。甚乖禮制。詔所

司禁之。萬厯二年。禁舉人監生生員儒士。僭用忠靜冠巾。錦綺鑲履。及張繖蓋。戴暖耳。違者五城御史送問。

明史與服志

新舉人朝見。著青衫。不著襴衫者。開始於宣廟。欲其異於歲貢生耳。及其下第。送國子監。仍著襴衫。蓋國學自有成規也。

賢夷

永樂間。翰林院進所纂錄韻書。賜名文獻大成。以其未備。遂命重修。以祭酒胡儼兼翰林院侍講及學士王景等為總裁。開館於文淵閣。禮部

簡能書監生繕寫辛酉命北京國子監會繕照

本監定例

南雍志

正統十年會試時中副榜不就與諸副榜并下第者九百餘人俱入太學是時李公時勉為祭酒趙公琬為司業李公極意造就人才初至今坐堂一月後乃散處於廂房列格致誠正四號號房中有家室者居外晨入饌堂讀書俱朔望升堂其於四號督勵尤切夜讀務盡二更將五更復令膳夫提鈴循號門催喚起讀書或自潛

行以察勤惰。無燈者。令人暗記。明示之。責罰自是。燈光達旦。書聲不絕。學者競相勸勉。李公多宿廂房。每隔三五夜。必召余同鄉三二人侍坐談講。李公端坐儼然。或說鄉曲舊事。或論詩文。言簡而確。婉而有味。聽者忘倦。每至更深。乃已。別時必曰。語久誤工夫。自當退補。且曰。三更。是陰陽交代時。讀書宜二更。即止。不可過。過則次早無精神。其愛人多類此。彭文憲
筆記

京衛武學。始於正統六年。除教授一員。訓導六

員教習勲衛子弟以兵部司官提調之以國子

監丞掌學焉

宸垣
紀畧

謹案

欽定日下舊聞攷監丞即閭禹錫也

正統十一年太師英國公暨侯伯二十餘人早

朝畢奏曰臣等皆武夫不諳經典願賜一日假

詣國子監聽講上命以三月三日往於是太師

率諸侯伯至日到監各攜茶湯果餅之類甚豐

祭酒李公時勉命諸生立講五經各一章講罷

設酒饌奉款。諸侯伯讓曰：「受教之地，皆就列坐。惟太師與先生抗禮，飲甚懽。」太師屢辭，公曰：「秀才家飯，不易措置，願太師少寬。」復命諸生歌鹿鳴之詩。賓主雍雍抵暮而散。此亦太平盛事也。

寓園雜集

舊制：國子監錢穀不鉤考，為養賢也。其後廢會饌，而椒鹽等物俱折以錢鈔，然不時給諸生，多為他用。為監丞閻禹錫所評，戶部尚書年富以聞，命官覈實。自是國子監錢穀鉤考。

明太學志

閻禹錫初以李賢薦為學正升監丞四為同考

史明

南昌張直閣在翰苑嘗上疏請令史官行人奉
使四方各求遺書一部送國學翰林收藏業已
允行而久之竟無應者都下所當積書者有五
其一內府監局當儲其全以備御覽其一內閣
秘書當儲其全以備顧問其一翰林院庫當儲
其全以備考訂其一兩京太學當儲其全以備
頒行其一禮部庫房當儲其全以備叅覈五者

即不能兼得一二焉可矣。而今皆無之。徒使坊肆訛刻。日滋月盛。毀瓦畫墁。寢失舊本矣。彭文憲筆記

景泰四年。祭酒王恂卒。監丞安貴言。太子少師侍郎學士蕭鎡任祭酒。諸生悅服。乞照胡儼例。不妨內閣職務。時來提督儀型。後學上不許。以太常少卿陳詢代之。永樂中。儼實出為祭酒。不復入內閣也。言今

景泰中。劉鉉為祭酒。易儲議起。諸司無大小皆

勸進司業言於鉉曰百司皆勸進國子監獨無
乎鉉曰國子監諫止則可勸進則不可遂止後
英宗復辟聞諸疏皆勸進無國子監名問徐有
貞曰祭酒何人官幾年矣有貞以鉉對上曰吾
欲一識之乃召對於文華殿擢少詹事
守漢筆記
天順四年盛自兩廣入議八月某日上有事西
壇忝扈從衆皆盛服候駕劉祭酒崇益倏就前
班偶聞老李公語退而見告曰太學有前元時
加封

孔子制碑。臥草間。欲具奏重立門下。適請於李公公。言此立則可耳。何用奏。崇益故有僚舊之好。盛因復之曰。此前代所立。若建學時。因而不改可也。今國子監建自我朝。已有御製碑矣。一旦遽立前代詔旨。未宜。若具奏重立。恐亦未當。况加封諸制。已有史傳。聖道輕重。初不繫此。須更商量。其事遂寢。

水東
日記

崇仁洪鍾生。四歲為神童。隨父以訓導考滿。至京。憲宗聞之。召見。命翰林給廩讀書。陞其父國

子助教以便其子

治世餘聞

謹案明太學志學正洪朝宗江西撫州人由監生應訓導成化年任學正疑即其人存之以備考。

成化十八年太常寺卿掌監事劉宣以琉球官生蔡賓等來脩有白金一斤辭不受後四年賓等復申請前事以聞上命宣受之

明太學志

萬厯十六年重書寶訓實錄校對官於翰林院差委圖書監生於國子監收管吏役於吏部取

擢見開錄

國家度越前代者有數事。前代

文廟用塑像。本朝初建國學。改用木主。前朝太學生
皆上書。我朝獨生監。不許陳民間利弊。宋制臺
省六品。諸司五品。一郊而任一人。兩制以上一
歲而任一人。子又任其孫。孫又任其子。任姪任
甥亦有之。今三品以上。才得廢子入監。統禱子
弟。所以不濫朝籍。

正秘
笈

國子監志卷八十二

志餘二

綴聞

順治間翰林王熙工

國書後陞司業

世祖恐其荒廢令與祭酒固爾嘉渾等皆以

國語問答

王士禎以順治庚子為江南同考官得崑山王
朱玉後朱玉為博士有句云秋雨茂林人獨臥

西風汾水雁還來。士禎時為祭酒。題其後云。茂陵秋雨瀟瀟夜。愛爾哦詩四壁秋。多少長安苦吟客。瘦羊博士擅風流。後辛酉甲子。雨值科試。矢公甄拔。得士尤衆。如壬戌之史夔等。乙丑之高暉。金居敬等。戊辰之湯右曾。查嗣韓。查昇等。不下數十人。皆一時名士。丁丑會元汪士鋐。亦士禎太學門生也。原名僕。

康熙初。裁兩坊衙門。兼裁侍講。翰林編檢。必歷司業。然後陞侍讀。故是時為司業者。率數月遷。

去。康熙十四年。復設坊局。於是修撰編檢多陞中贊。而司業與之較俸陞轉矣。

康熙間。太學生周清原有詩名。大學士馮溥見其雍試諸作。目為奇才。詩以贈之。曰。尊酒高齋話夕曛。斗間佳氣識龍文。十年閉戶遲遊洛。千里過都早不羣。春草已看傳白傅。飛花定見詔韓君。

九重側席今方切。振筆蓬山為爾欣。後清原果以博學鴻詞授翰林。清原雍試諸作。有大學白丁香詩。

句云月明有水皆為影風靜無塵別遞香一時
傳誦都下上達

宸聰比官翰林

召見

上猶誦其詩句獎之

康熙己未遣太學生孫致彌往朝鮮采詩大抵
律絕居十之九古詩歌行略見梗概而已致彌
後登戊辰進士官翰林

康熙己巳嚴虞惇充貢入太學於時兩司成皆

詞林宿望以通經學古訓後進四方知名之士亦多聚於京師每朔望釋菜六館之長率諸生搢衣升堂執經問難八旗子弟拱手序立有園橋觀聽之風月有課季有考公卿大夫皆傳觀其文以為質的其平居朋友講習道德詩書之外無遊談無勸說亦時或有杯酒相聚為燕樂蓋士之砥礪如此而上之鼓舞作興又如此故太學於是為盛

故事國子監生初就舍自司成以下凡相臨者

俱操幣以見於是有到監之費迨歲滿當咨部
授職必視其月課中程與否而人之實在監者
少於是出咨之費吳苑為祭酒曰師道也而
以市道交可乎砥礪同官悉除贅幣月課中程
者立予咨不及格者執不與諸生遂無一錢之
費而課試無敢不身至者八旗教習年滿試吏
部十人中八人授縣令二人授州倅君曰資格
年勞相等何所分優劣徒滋弊耳奏請以教習
生兼替禮儀歲滿悉補縣令以塞倖門八旗子

弟在官學者舊不在考校之例君令一體考校
仍請於

朝鄉會試量增其額以示鼓勵二事皆報可

進士題名碑舊建於國子監大成門東吳鱗潭
先生為祭酒時稽考舊碑明永樂至崇禎凡七
十八科碑僅存三之二

本朝制科始於丙戌碑亦列焉厥後十七科未之
繼也康熙三十年辛未謀於

朝伐石鳩工暨之又令吏掘地徧索獨永樂碑不

見一日宮牆傾吏譁曰永樂碑得矣於是前後井井用全一代之制又於

啟聖祠中得元碑三一為正泰國子貢試名記蒙

古色目

別部落降元者謂之色目

漢人列三榜皆有正副一

為至正進士題名記蒙古色目為一榜狀元朶列圖漢人南人為一榜狀元文允中皆無榜眼探花一為至正國子中選題名記蒙古賜正六品色目賜從六品漢人賜正七品亦有正副夫八比取士士不由進士者無由顯達於時此題

名碑之不可不列也。乃立而復湮沒。非吳公整頓後將何考焉。按元朝氏族。蒙古有七十二種。色目有三十一種。金人有三十一種。漢人有八種。高麗女真契丹渤海皆在漢人內。

黃章。順德人。年近四旬。為博士弟子。六旬餘。試優補廩。八十三。貢入太學。康熙己卯歲。北闈秋試。年已百歲。大書百歲觀場四字於燈。令其曾孫為之前導。

國子監彝倫堂東西二廳之下。為六堂。即諸生

講習之所也。雍正八年

賜給方家衙衙官房一所。題曰

欽賜學舍。在監之南。故曰南學。而以衙署稱北學焉。

謹案國子監門逕自西而東。由集賢左門進署

自

賜給南學後。於前門照壁之左。開便門以入南學。尚未

通車輿也。乾隆二十三年重修國子監。乃於照

壁左右立柵欄門。以通車輿。又於集賢門左右

牆間各立柵欄門。自是從東直達署內。不必由

集賢左門矣。

雍正十一年。

詔舉博學宏詞。詹事覺羅吳拜以現任學正丁凝薦。

順天鄉試由監錄送者有南皿北皿中皿字號。第二名例取南皿中式。名曰南元。監中錄科取列第一名。最利於鄉試。故有監元之稱。

肄業生饒夢燕。湖南人。乾隆十年間。假歸。適遇苗匪滋事。夢燕率鄉兵殺賊有功。湖廣總督敘功。奏准加級。

謹案夢燕後以教習期滿選授縣令

乾隆十四年

詔舉經學大學士張廷玉薦現任助教鍾曉人品端謹
留心經學通曉三禮侍郎觀保亦薦曉謹厚老
成潛心經學尚書蔣溥薦現任學正王延年老
成敦樸沉潛經史尚書劉統勳亦薦延年老成
謹飭潛心經史侍郎何國宗薦現任助教王之
銳敦本篤行學有根底現任學錄蔡寅斗為人
醇謹學問淹通

乾隆十六年核實保舉經學之陳祖范吳鼎梁
錫璵顧棟高等四人吳梁並授司業。

召對於

勤政殿。

諭云。你們以經學保舉。所以用你們去教人。如今大學
士九卿等公保你們。是你們積學所致。不是他途倖
進。復

諭云。經是讀書的根本。但窮經不徒在口耳。須要躬行
實踐。你們自己躬行實踐。方能教人躬行實踐。

國子監兩廂官試俱在彝倫堂乾隆二十三年重修衙署遇鄉試錄科在南學率性堂考試

謹案乾隆二十三年就南學考試三十二年重修

文廟彝倫堂正中安置

先師神牌及四配十二哲率性堂安東廡修道堂安西廡誠心堂收貯廟庫器物是年又遇鄉試本監錄科季考月課俱在崇志堂

拔貢生潘湘湖南人乾隆年間琉球官生入監

肄業監臣派充教習編輯琉球入學見聞錄四
卷自星野針路以至風俗語言悉為詳載草本
存貯

御書樓相後成進士出宰福山

文廟樹木俱太常寺種植

彝倫堂甬路兩旁樹木則工部種植

大成門外甬路東柏樹四十一株西柏樹三十四
株

大成殿前甬路東柏樹二十四株西柏樹二十二

株

彝倫堂前東柏樹二株槐樹二株西柏樹八株

古槐一株槐樹二株

辟雍殿前東柏樹二十株槐樹五株西柏樹二十

株槐樹五株

太學二門外甬路東柏樹五株槐樹三株西柏

樹八株槐樹二株

崇聖祠門外甬路東柏樹二株西柏樹一株

後殿甬路東柏樹六株西柏樹六株西旁槐樹一

株後牆槐樹一株

敬一亭內甬路東柏樹二株槐樹二株桑樹一株榆樹一株西柏樹一株槐樹一株桑樹一株榆樹四株後身榆樹四株

土地廟內甬道東槐樹一株西槐樹一株廟門外槐樹一株

御書樓大門內槐樹一株樓前東槐樹二株西槐樹二株

東廂敬思堂前藤花二株丁香二株甬路東槐

樹二株西槐樹二株杏樹一株西耳房旁椿樹一株

西廂二堂前東槐樹一株西槐樹一株

南學後門內槐樹二株率性堂槐樹二株椿樹三株桑樹一株修道堂槐樹四株桑樹二株誠心堂槐樹三株桑樹一株正義堂桑樹二株榆樹一株椿樹一株崇志堂槐樹二株榆樹一株桑樹一株廣業堂桑樹三株椿樹二株公所前桑樹一株內槐樹二株桑樹一株

以上共二百九十二株

附

元

至大間許文正公衡以集賢大學士兼祭酒自
開學後家事悉委其子師可凡賓客往來學中
者皆謝絕之嘗謂學中若應接人事諸生學業
必有所妨外人謗怒是我一己之事諸生學業
迺上命也又以蒙古生習學算術遂自唐堯戊
辰距至元壬申凡三千六百五年編其世代厯

年為一書令諸生誦其年數而加減之教諸生
習字必以顏魯公為法嘗曰書固六藝之一程
先生謂一向好著亦自喪志然其作字時甚敬
謂只此是學此可為法諸生讀書之暇令蒙古
生年長者習拜友受宣拜詔儀釋奠冠禮時亦
習之小學生有倦意令習跪拜揖讓進退應對
之節或投壺習射負者罰讀書若干遍

國學
事蹟

平章魯國文貞公博果密年十二從學於許文
正公嘗令諸生值日以謝客至公則持書崇朝

永夕坐中門不移。否則擁篲掃灑。奉簾操杖出。
必乘馬導前。無馬徒從。循循安之。其敬以孝。猶
子事父。惟恐斯須仁義之言不聞。道德光輝不
接也。

牧庵文集

博果密受學於國子祭酒許衡。日記數千言。衡
每稱之。以為有公輔器。世祖嘗欲觀國子所書。
字公年十六。獨書貞觀政要。數十字。以進。帝知
其寓規諫意。嘉歎久之。衡纂歷代帝王名諡。統
系。歲年。為書授諸生。公讀數過。即成誦。帝召試。

不遺一字

元史
本傳

耶律有尚為許文正衡高弟十二齋長伴讀中
一人也。衡告免朝廷乃以有尚等為助教久之
除祕書監丞自有尚去而國學事頗廢廷議以
為非有尚無足以繼衡者除國子司業時學館
未建師弟子皆寓居民屋有尚屢以為言二十
四年朝廷乃大起學舍始立國子監官而增廣
弟子員於是有尚升國子祭酒儒風為之丕振

元史
本傳

至大元年召吳澄為國子監丞先是許文正公
衡為祭酒始以朱子小學等書授弟子久之漸
失其舊澄至旦燃燭堂上諸生以次受業日昃
退燕居之室執經問難者接踵而至澄各因其
材質反覆訓誘之每至夜分雖至寒暑不易也
皇慶元年升司業用程純公學校奏疏胡文定
公六學教法朱文公學校貢舉私議約之為教
法四條一曰經學二曰行實三曰文藝四曰治
事未及行澄一夕謝去諸生有不謁告而從之

南者

元史本傳

國學故事。伴讀生以次出補吏。莫不爭先出時。

有一生親老且貧。同舍生有名在前者。因博士

以告曰。我齒頗少。請讓之。先廢曰。讓德之恭也。

從其讓。別為書薦其人。朝廷反先用之。自是六

館之士皆知讓之為美德也。

元史劉應傳

至大四年。仁宗即位。嘉尚儒術。臺臣言。齊履謙

有學行。可教國學子弟。擢國子監丞。改授國子

司業。與吳澄並命。時號得人。每五鼓入學。風雨

寒暑未嘗少怠。其教養有法。諸生皆畏服。未幾復以履謙僉太史院事。自履謙去。國學吳澄亦移病歸。學制稍為之廢。延祐元年。詔擇善教者。於是復以履謙為國子司業。履謙律已益嚴。教道益張。每齋置伴讀一人為長。雖助教闕員。而諸生講授不絕。時初命國子生歲貢六人。以入學。先後為次第。履謙曰。不攷其業。何以興善而得人。乃酌舊制。立升齋積分等法。自是人人勵志多文學之士。

元史本傳

至大四年八月芝生國學

大成殿延祐二年三月芝生

大成殿五年七月芝生

大成殿

元史五行志

至正二十年十月朔甘露降於國子監

大成殿前柏木

元史順帝紀

國子監候日影到堂後梨樹散學

金臺集

謹案虞集有國子監後園梨花樂府序

虞集除國子助教即以師道自任諸生時其退

每挾策趨門下卒業。他館生多相率詣集請益。除博士監祭殿上有劉生者被酒失禮俎豆間。集言諸監請削其籍。大臣有為劉生謝者。集持不可。曰。國學禮義之所出也。此而不治。何以為教。仁宗在東宮。傳旨諭集勿竟其事。集以劉生失禮狀上之。移詹事院竟黜劉生。仁宗更以集為賢。大成殿新賜登歌樂。其師世居江南。樂生皆河北田里之人。情性不相能。集親教之。然後成曲。復請設司樂一人掌之以俟考正。元史本傳

天歷時富珠哩神兼祭酒神以古者教育有業退必有居舊制弟子員初入學以羊贄所貳之品與羊等神曰與其饜口腹孰若為吾黨燥濕寒暑之虞乎命撙節之得錢二萬緡有奇作屋四區以居學者諸生積分有六年未及釋褐者神至皆使就試而官之論者謂自許衡之後能以師道自任者惟耶律有尚及神而已

元史本傳

至順辛未成遵入成均為國子生時陳旅為助教喜其文數以語於奎章閣侍讀學士虞集集

亟欲見之。旅令以已馬俾遵馳詣集。集方有目疾。見遵來。迫而視之。曰。適觀生文。今見生貌。公輔器也。吾老矣。恐不及見生。當自愛重也。

元史本傳

王思誠。至正元年。遷司業。二年。拜監察御史。調祕書監丞。會國子監諸生相率為鬪。復命為司業。思誠召諸生立堂下。黜其首為鬪者五人。罰而降齋者七十人。勤者升情者黜。於是更相勉

勵。

元史本傳

至正初。召張翥為助教。分教上都生。後以翰林

侍讀兼祭酒者勤於誘掖後進絕去崖岸不徒以師道自尊用是學者樂親炙之有以經義問難者必厯舉衆說為之折衷論辯之際難以談笑無不厭其所得而後已

元史本傳

蘇天爵由國子學生公試名在第一釋褐授薊州判官至正四年為集賢侍講學士兼國子祭酒天爵自以起自諸生身為師表端己悉心以

範學者

同上

明

永樂初北監初建維時司業貝泰署印朝議以
張顯素諳典章乃奏改北監丞顯至經歷學舍
勸懲淑慝百廢俱興諸生數千人肅然敬服

黃佐

撰張顯傳

徐有貞初名珵年十三謁國子祭酒胡儼儼時
自矜重稱疾憑几見試珵詩即起循牀行大詫

賞曰子自愛他日國器也

名卿續紀

博士王復原為人儉約質率無崖岸嗜為文章
在監十餘年求為文者日接踵戶外未嘗有厭

倦意所著文集若干卷藏於家

文忠公

宣德七年四月給監生房舍月糧北國子監言

今監生不啻數千多有挈家來者僦屋以居監

之東金吾等三衛草場二所乞賜諸生建房室

其閒地給本監種蔬菜以供會饌悉從之命行

在工部為構房舍給師生會饌什器復命戶部

給生有家室者月糧皆如南京例

典學

司業趙琬在太學十有七年規矩整飭修德講

學教人有序始至嘗議脩胡安定湖學之教職

居佐貳勢莫得行公處已甚節儉而急於周人之急太學諸生中有親在遠方弗及養者必致書郡縣俾存問之又設藥房選諸生知醫者五六人領其事以己資置藥物其中以濟人之急又買地都城之北環植萬柳名萬柳庄以葬凡喪之不能歸者

商文毅公集

學正魏齡潮州人初至嘗侍祭酒李公時勉言曰昨聽選部中見羣衆相語但問某處地方好某地有出產不聞一人以施政教為言者皆若

此天下安得治李開其言甚善之謂予曰新學
正有識能言諸人所不能言也魏後復姓李守

官清白不受諸生贄禮果不負所知云

彭文憲
筆記

丁卯冬湖廣永濟縣進須知官在途夢開黃榜

第一名彭時國子監生其人至京言於永濟監

生張本端本端訪知予姓名異之數與朋輩言

之已而果然

同上

李時勉與陳敬宗同在翰林袁宗澈嘗相之敬

宗儀觀魁梧時勉貌稍寢袁曳二人並列曰二

公他日功名相埒。後二人同時為兩京祭酒。

明太

學志

李時勉請改建太學。上命太監王振往視。振權傾天下。時勉與抗禮。而振之生日。諸大臣皆賀。惟時勉不往。每進香。

文廟司成設茗筵款之。時勉獨否。振銜之。密廉其事。無所得。彝倫堂前舊有大樹。嫌其一面陰翳。妨諸生班列。稍令伐去。旁枝振以為擅伐官樹。供私爨。遂矯旨與司業趙琬。掌饌金鑑俱逮。方逮。

時時勉方坐東廂考業錦衣官校猝至掩卷起
免冠受桎梏諸生皆錯愕失次時勉神色自若
呼諸生前徐語曰某人某處講是某處非是某
勝某縷縷如平時因顧囑僚屬令終事乃行

明史

本傳

景泰二年王恂以右春坊右庶子管司業事誘
迪諸生循循勿倦四年陞祭酒初楊文定公秉
國恂從之游謹厚不譁稱之曰吾鄉若恂者其
文行忠信士乎

學典

景帝時以國計不足放遣諸生不願歸者停其
月廩祭酒劉絃言養才國家急務今倉廩尚盈
奈何靳此遂得復給又令甄別六館生年老貌
寢學藝疎淺者斥為民鉉言諸生荷教澤久豈
無片長況離親戚棄墳墓艱苦備至一旦被斥
非朝廷育才意乞採年貌衰而有學者量授之
官奏報可鉉性介特言行不苟課諸生規條嚴
整仲子瀚以進士使南方瀕行閱其衣篋比還
篋如故乃喜曰無玷吾門矣

明史本傳

陳詢判國子監獎拔士類甚衆若嚴銓邱濬楊繼宗彭韶施槃輩後皆為名臣

學典

景泰五年國學生誅幸佛寺時京師隆福寺成雄麗擬王者宮車駕臨幸已除道太學生楊浩等上疏言陛下即位之初首幸太學海內之士聞風快覩今又幸儒術而重佛教豈有聖明之主事胡鬼而可垂範後世者耶太學生姚顯又言王振竭生民膏血修大隆興寺窮極壯麗車駕不時臨幸夫佛本西夷之人信之得禍梁武

帝足為前車之鑒。請自今凡內臣所修寺院悉毀之。以修倉廩之用。勿復興作。萬世之法也。自正統至天順。京城內外建寺二百餘區。大臣諫官不言。而二生言之。一時嘆服。同上

李少保賢。自郎署至閣老。劉崇益錄方面入為

大司成。

水東
日記

成化六年五月。命襲封衍聖公在國學讀書。國子監丞李伸言前襲封衍聖公孔宏緒自幼失學。長而狎近羣小。以至干冒刑憲。聖明念先聖

之裔特加寬宥革職為民即命其弟宏泰襲封
恩至渥然不豫教之仍恐復蹈前轍伏望留之
京師賜以館舍令之隨侍班行獲覩禮制退則
存留太學受教師儒俟其學成遣歸奉祀禮部
覆奏宣準其言留宏泰在監讀書一年然後許
歸仍給與牙牌懸帶及朔望併時節隨班朝參
從之

學典

周洪謨成化十一年為北監祭酒言士風澆浮
請復洪武中學規帝嘉納命禮部榜諭崇信伯

費淮入監習禮久不至洪謨劾之奪冠帶以儒

中赴監停歲祿之半學政肅然

明史本傳

成化十二年以司業耿裕為祭酒時勲戚子齒幼在國學者裕恐其難教取所當習讀古今嘉言懿行為韻語授之他日有獻於上閱之嘉嘆

學典

林大猷任學錄時關洛晉魯之士執經從游者數百人齋舍至不能容輪番聽講又約日通集太學諸生聽講謂之普講進監丞盡別宿弊講

學益勤後升翰林院檢討仍掌監丞事

同上

祭酒邱濬博學強記世無與比時士子為文以

奇怪相高或不可句濬為祭酒諄諄為學者言

之文體乃復渾厚其掌太學踰十年論者謂師

道尊嚴無愧李時勉而綜理微密過之

明太學志

陳獻章成化丙戌復游太學祭酒邢讓令和楊

龜山此日不再得詩云能飢謀藝稷冒寒思植

桑少年負奇氣萬丈磨青蒼夢寐見古人慨然

悲流光吾道有宗主千秋朱紫陽說敬不離口

示我入德方義利分兩途析之極毫芒聖學信
匪難要在用心臧善端日培養庶免物欲戕道
德乃膏腴文辭固秕糠俯仰天地間此身何昂
藏胡能追軼駕但能漱餘芳持此木鑽柔其如
磐石剛中夜攬衣起沉吟獨徬徨聖途萬里餘
髮短心苦長及此歲未暮驅車適康莊行遠必
自適育德貴含章邇來十六載滅迹聲利場閉
門事探討蛻俗如驅羊隱几一室內兀兀同坐
忘那知顛沛中此志竟莫強譬如濟巨川中道

奪我航顧茲一身小所繫乃綱常樞紐在方寸
操舍決存亡胡為設役役斷喪良可傷願言各
努力大海終回狂讓覽之驚曰龜山不如也為
之延譽由是名動京師一時名士皆與之游同上
成化二十三年國子監生虎臣聞萬歲山架樓
棚以備登眺上疏極諫上奇之祭酒費閤不知
也懼其賈禍乃會六堂鳴鼓聲罪鐵索鎖項以
待俄有官校宣臣至左順門中官傳溫旨勞之
曰爾言是也樓棚即斥却矣命吏部銓選特與

臣七品正官

同上

宏治三年。以諭德林瀚為祭酒。瀚閩人為祭酒。垂十年。待諸士嚴而有恩。故事。祭酒膳役銀。歲且百。瀚悉貯官。構祭酒公署。及監中諸師儒寓舍。進禮部侍郎。仍掌監事。時稱公賤者。即之不知其為貴。卑者。即之不知其為尊。不肖者。不知其為賢。且智。獨非意相干者。始知其凜然不可

犯也

學典

林文安瀚子庭機。南部大宗伯孫。煥亦南部大

宗伯三代典成均

徐應秋說

謝鐸任北監祭酒請增號舍修堂舍又謂廟門

衛而多狹斜以為褻慢買其地而廊之又買官

廨三十餘區居學官以省僦直皆出夫阜顧役

餘悉藉為公用諸生貧困者亦有給死者請京

府致賻給驛歸其喪

空同集

國子博士徐禎卿神清體弱雙瞳爛人著交誼

感暮二賦凌躡曹魏長宿驚歎稱為文雄

國寶新編

納粟一塗人輒輕之在庠士下乃羅圭峰七試

有司不錄入貲北雍竟中解元人顧自立小試
未足以定天下士也

湧性小品

趙司成永號類庵京師人一日過魯學士鐸邨
魯公曰公何之司成曰憶今日為西涯先生誕
辰將往壽焉魯公曰吾當與公偕公以何為贄
司成曰帕二方也魯公曰吾贄亦應如之入啓
筭索帕無有躊躇良久憶里中曾餽有枯魚令
家人取之家人報已食僅存其半魯公度家無
他物即戴其半與趙俱往稱祝西涯烹魚沽酒

以飲歡甚即事倡和而罷

其

魏校為祭酒風格整肅士人凜凜奉其規程其
生平雅慕聖賢體用之學肆力典墳博求於仰
觀俯察經畧民物事鉅細證究且曰當於敏處
為舒復求之靜坐以證其本内外交養於事必
先有成法儼然朝夕守而弗渝

典學

許誥為祭酒宏獎風節絀抑華競以經世為士
筌尊德為學執一時士人翕然化之不僅以敦
悅典境涉志絃誦而已時太學生有遐方旅櫬

暴露無歸者幾三十人。歲時名字漫滅無稽。公乃以公帑羨餘購地葬之。復察生理窮迫衣食弗給者數十人。周恤之。由是生徒感德懷服。又奏罷不稱職者。及劾勲戚習禮不律者。一時成均條約肅然。改觀。同上

錢德洪嘉靖中補北監丞。羣國學弟子立繩愆廳下。諭以悔吝吉凶之道。聞者悅服。同上

祭酒呂柟立敬。皆躬行以率之。以正心修身忠君孝親為本。季試諸生必刻其文之優者以式。

德行稱著者則揭之榜仍早撥厯以示勸病者
問而醫之死者賻而歸之間取儀禮及為詩樂
國譜分日講解禮義之俗弦歌之聲洋洋於京
師首善之地雖厯事監生觀政進士向學中官
亦從而質疑問難焉識者以為自宋吳李章四
祭酒外鮮見其比

明太學志

王守仁傳習錄始出士大夫多力排之尤時熙
見之嘆曰道不在是乎向吾役志詞章末矣後
為國子博士祭酒徐階命六館士咸取法焉居

常以不獲師事守仁為憾聞郎中劉魁得守仁之傳遂師事之

明史本傳

萬厯丙子神宗幸太學司業沈淵進講尚書賜白金文綺宴於闕門時都試屆期諸生雲集淵攝大司成矩度甚嚴少所假貸貴游高第凜凜步趨莫敢闕請國學為之改觀

于慎行撰墓表

祭酒劉元震在講筵故事講官不典成均公恬然從事日以龜勉率諸屬諸屬為公稱勞且姍笑為虛文公謂檢束士習高皇帝所以立教也

此而虛文將安取實益精課勤惰置彰善紀過
二冊以旌別之又申明賢關造士之意必以敦
行為先文章力還爾雅非經籍布在學宮者諸
生毋得輒肄典學

盛訥為祭酒首訓士收攝此心隨處體驗謂方
寸一空百事可為次教以治事明經歌詩習字
因材陶冶人謂有涇陽先生之遺風焉同上

太常寺卿管祭酒事范謙整飾監規人謂公五
日京兆耳何須爾對曰居一日官作一日事敢

視為傳舍乎。同上

成基命萬厯癸巳以特選入太學時葉向高為祭酒每語人曰成子公輔器也雍事竣不受銓除益力學後成進士以洗馬管司業事敦尚風

節為太學先

蘇輔通志

方從哲為祭酒大璫田義有姪甫入監三日即欲撥厯持之不可義恚使語曰若不愛官耶何此小事遽相拒絕遂請告歸

學典

祭酒李廷機起家太學嘗謂洪武時諭旨稱宋

訥學規嚴肅所以人材衆多又見每日升堂有
兩生抱牌牌書整齊嚴肅字亦洪武中所製也
奈今之教人不守國初之法而遠引敷教在寬
之文夫所謂寬者多方勞來輔翼欲其自得之
謂豈以縱馳為寬哉故教士一以整齊嚴肅為
主拜興有節課講有程差撥必公曠歷不貸學

規肅然

同上

姜逢元由中允晉國子司業署監事時諸生寥
寥乃多方羅致一月得數百人日事課試而進

而殿嚴之諸生奮臂向學監中有積蠹名蘇意
王妻妾宮室擬於公侯侵號舍租銀諸生廩餼
及修膳工料無箕身有與援人不得問乃設計
擒捕追所侵欺還官學政為之一清同上

蔡毅中在成均兢兢以斥私奉公掖勤勵情為
求己之事雖謗怨沸騰視一綬不啻飄絮四齡
便能搦管弱冠成名自五經百家天文草木無
不窮其源流旨趣異同輕重是非得失之歸隨
筆所見久而成帙如字覺要覽會編廣規而外

則六經解火攻書皆進呈其他著錄甚多

同上

蔡毅中以禮部右侍郎領祭酒事楊漣劾魏忠賢得嚴旨毅中卽其屬抗疏言學校者天下公議所從出也臣正與諸生講為君難一書忽接楊漣劾魏忠賢疏合監師生千有餘人無不鼓掌稱慶乃皇上下其奏於九卿而謂一切朝政皆親裁以奸璫為忠代之受過合監師生無不捫心愁歎不已也二十四罪無一不當悉究舉朝羣臣欲於朝罷跪以候旨忠賢遂要皇上

入宮。不禮羣臣。今又欲於視學之日。羣臣及太學諸生面叩陳請矣。乞將漣疏發九卿科道從公究問。疏入。忠賢戟手大詢。毅中乃再疏乞歸。不許。已。嗾其黨劾罷之。

明史本傳

天啓四年八月。署國子監祭酒。禮部右侍郎蔡毅中。監生金維基。博士門洞開。鄧光舒。王裕心。助教張翰南。徐伯微。姚士儒。孫士裕。董天允。學正王永興。蔣紹燿。學錄聶翔。杜士基。典簿萬民。懋。典籍陳烈。公疏劾。魏忠賢上不問。毅中既與

璫忤四疏請告亦不許

明史紀事本末

天啓七年五月監生陸萬齡等請建魏忠賢祠於國學之旁謂

孔子作春秋而忠賢作要典

孔子誅少正卯而忠賢誅東林許之八月信王即皇帝位國子司業朱之俊劾監生陸萬齡等請祠

魏忠賢國學宜罪命下獄

同上

上虞倪公元璐為祭酒時與溫體仁忤將請告惠安鄭仰田者善拆字過於官人席上初未通

名俱取骰子中以緋飾四者予卜鄭曰京官四
品而掌印者惟祭酒耳公其祭酒倪公耶公領
之復曰公必與當事者忤姓名中帶骨字者其
人也骰子骨所成而四面稜角不能剋圓故知
不合也又曰公意欲圖歸乎必得請矣骰體方
類口四亦類口乃回字也後果然

解字

嘗聞阮安督工建太學時悉取前元進士碑磨
去刻字置之隙地今三年一立石皆此物也若
新建廟學之碑則即程鉅夫國子學先聖廟碑

石而又屬之鉅夫裔孫南雲書之當時亦以為
非偶然之故也

水水
口記

國子監志引用書目

太宗文皇帝聖訓

世祖章皇帝聖訓

聖祖仁皇帝聖訓

聖祖仁皇帝御製全集

御製數理精蘊

御批通鑑綱目

御纂律呂正義

世宗憲皇帝聖訓

世宗憲皇帝御製全集

上諭內閣

上諭八旗

上諭旗務議覆

諭行旗務奏議

高宗純皇帝聖訓

高宗純皇帝御製樂善堂全集

高宗純皇帝御製全集

御纂律呂正義後編

仁宗睿皇帝聖訓

仁宗睿皇帝御製味餘書室全集

仁宗睿皇帝御製全集

皇上御製製養正書屋全集

皇上御製詩文集

大清會典

大清通禮

皇朝禮器圖式

皇朝文韻

皇清文穎續編

熙朝雅頌集

四庫全書總目

歷代賦彙

日下舊聞考

八旗通志

畿輔通志

詞林典故

國子監志

吏部則例

品級考

戶部則例

禮部則例

科場條例

繙譯科場條例

兵部則例

刑部則例

工部則例

國子監則例
太常寺則例

國子監則例

書傳漢孔安國

詩箋漢鄭元

詩傳漢毛亨

韓詩內傳漢韓嬰

韓詩外傳全上

周禮注漢鄭元

儀禮注全上

獨斷漢蔡邕

說文漢許慎

左傳注晉杜預

爾雅注晉郭璞

論語注魏何晏等

廣雅魏張揖

大戴禮注周虛舟

詩疏唐孔穎達

禮記注全上

經典釋文 唐陸德明

說文解字 南唐徐鉉等

玉篇 宋陳彭年等

廣韻 全上

鐘鼎款識 宋薛尚功

王氏鐘鼎款識 宋王厚之

隸續 宋洪适

隸釋 全上

周秦刻石釋音 元楊昌

金薤琳琅 明都穆

石鼓文釋存 國朝張燕昌

石鼓考 國朝朱彝尊

史記 漢司馬遷

前漢書 漢班固

後漢書 宋范曄

三國志 晉陳壽

晉書 唐房喬等

宋書 梁沈約

魏書 北齊魏收

漢書注 唐顏師古

北齊書 唐李百藥等

北周書 唐令狐德棻等

舊唐書 晉劉昫

新唐書 宋歐陽修等

雍錄 宋程大昌

宋史 元托克托等

國學事蹟 元耶律有尚

元名臣事略 元蘇天爵

元史 明宋濂等

明太祖實錄

明成祖實錄

明宣宗實錄

明英宗實錄

明憲宗實錄

明會典 明李東陽等

國寶新編 明顧璘

續通鑑

明陳桎等

續文獻通考

明王沂

國史唯疑

明黃景昉

庚申外史

明葛祿衡

正祕笈

明陳繼儒輯

治世餘聞

明陳洪謨

今言

明鄭曉

六館日抄

明劉中柱

兩朝典故

兩京類稿

歷代名臣奏議 明黃淮等

明奏疏類抄

名卿續記 明王世貞

南雍志 明黃佐

明太學志

辟雍紀事 明虞上銘

頤宮禮樂全書 明張安茂

明大成樂譜

國朝書目
樂律全書

明朱載堉

燕都游覽志

明孫國枝

帝京景物略

明劉侗等

明史

國朝張廷玉等

明史紀事本末

國朝谷應泰

見聞錄

國朝徐岳

經世編

國朝顧炎武

學典

國朝孫承澤

春明夢餘錄全上

日下舊聞

國朝朱彝尊

國學禮樂錄

國朝李周望

登科錄全上

閩里文獻考

國朝孔繼汾

宸垣紀略

國朝吳長元

紀恩錄

國朝梁錫璫

詞科掌錄

國朝杭世駿

進士題名碑錄

清祕述聞

國朝法式善

槐廳載筆全上

琉球入學見聞錄稿附

國朝諸相

莊子

白虎通漢班固

風俗通漢應劭

方言注全上

三輔黃圖

古今注晉崔豹

山海經注晉郭璞

荀子注 唐楊倞

文選注 唐李善

水東日記 明葉盛

彭文憲筆記 明彭時

守溪筆記 明王鏊

鴻一亭筆記 明高承埏

寓圃雜記 明王琦

鳳洲雜編 明王世貞

湧幢小品 明朱國禎

賢奕編

明劉元卿

鐵網珊瑚

明朱存理

玉芝堂談薈

明徐應秋

字觸

國朝周亮工

居易錄

國朝王士禛

池北偶談

全上

知新錄

國朝王崇

世本

國朝馮翼刊

楚詞注

漢王逸

元文類 元蘇天爵

吳文正集 元吳澄

草廬集 全上

牧庵文集 元姚燧

雪樓集 元程鉅夫

玉堂集 元陳孚

清容居士集 元袁桷

道園學古錄 元虞集

秋宜集 元揭傒斯

吳淵穎集

元吳萊

閒居叢稿

元蒲道源

吳禮部集

元吳師道

燕石集

元宋聚

安雅堂集

元陳旅

滋溪集

元蘇天爵

近光集

元周伯琦

金臺集

元納新

霞外詩集

元馬臻

宋學士集 明宋濂

萍居稿 明唐之淳

東里文稿 明楊士奇

楊文敏集 明楊榮

古穰集 明李賢

白沙集 明陳憲章

邱文莊集 明邱濬

椒邱文集 明何喬新

林瀚文集 明林瀚

懷麓堂集 明李杲陽

篁墩集 明程敏政

豹庵集 明吳寬

空同集 明李夢陽

大復集 明何景明

崑崙集 明王叔承

遵巖集 明王慎中

甘泉集 明湛若水

柳莊集 明柳廷玉

商文毅集

明商輅

內省齋集

明湯來賀

介石齋集

明朱國祚

復宿山房集

明王家屏

有懷堂稿

國朝韓奕

曝書亭集

國朝朱彝尊

遂初堂集

國朝潘耒

嚴太僕集

國朝嚴虞惲

敬業堂集

國朝查慎行

繩庵集

國朝劉綸

紫竹山房集

國朝陳兆崙

歸愚文鈔

國朝沈德潛

省吾齋集

國朝寶光

知足堂稿

國朝朱珪

紀文達遺集

國朝紀昀

思餘堂稿

國朝彭元瑞

有正味齋集

國朝吳錫麒

邃雅堂集

國朝姚文田

榕城詩話

國朝杭世駿

古文苑

元詩選

國朝顧嗣立

文翰類選

同館賦鈔

臣等此次增輯監志所有引用書目詳錄如
右惟采自本集者其書目悉以本集統之不
復綴列謹識